

王
船
山
遗
书

王

船

山

遺

書

蓮
齋
十

十
自
廬

高
一
香

同治四年湘鄉曾
氏栞于金陵節署

七十自定稿

船山遺書五十一

衡陽王夫之選

五言古詩

翠濤攜諸子遊瞻雲閣有作見寄遙荅

庚申

嘉遊成疇昔企歎奄方今金閨鬱龍種玉山宛鸞吟遲向
深秋興搖蕩先春心足知襟帶敞遂及松檜陰大雲峙霜
萼虛室函霄岑緬彼鶴上客所懷玉漿斟聲息墜人間羈
紲逮幽林無乃大還訣猶爲陸海沈甯含衣中珠撫茲絃
外琴天問固難酬孤心還自諶願言雲關閉勿驚雪髮侵

春盡有會而作

辛酉

春生情未極序改心難爲俯仰各有會踟躕良在茲初暎
耀幽砌夕風鳴遠枝清暢遙天感遲回碧雲期胡然屢天
損耿爾視星移逝川非昔歎歧道有餘悲空霄難仰問圓
規無返曦雄劍不偶合雍琴長自疑懷袖有瑤草將爲贈
者誰

始冬寓目

東峰展蒼翠夕陽散平川天容函空謐闡緩飛孤煙寒日
將易暝秋心仍未捐忼慨寄寥廓通幽無緒言霜氣警歸
息墜葉飄陰喧迢遞佇清夢遠遊驚八埏

和周履道對春雪

壬戌

靈雨從雲崖回風結寒蕤蕭條韶年始搖蕩芳春情驚珠
無留綴碎玉有餘聲遙天益以邈空宇含微晶鐙夕滯九
微梅月延孤清緬彼蒼江釣應同瑤圃征

和高季廸風雨

風雨適在茲歌歎無與言人事杳無緒天情亦易遷懷抱
終古間曲折固勿諉腰鑣入深雲荷薪續午烟聊爾爲晨
夕不知經歲年思彼信陵客曾爲陳監門

春初雨歇省家兄長夏庵□□□□□中惘然有作
懷聚互昏夜惻然華髮驚零雨迷昏旦修塗阻遠營惠風
啟夕光欣緒慰良征披榛幸不違悲喜交含情含情夫

如何忘言自閔傷視彼雙飛鳥日暮亦得將摘草勿絕心
渡水勿絕梁居然成迢遞慙爾隨頡頏頡頏悲以鳴歲
序無更待鼎鼎懷昔歡悠悠有餘悔采彼靈藥非匪值青
鏡改曷穀念鳩飛無枝念木壞壞木無再榮令緒唯須

與如彼虞淵日卽次非東隅百里望嶽阡將爲茂草墟良
惟身事闇豈云天運殊運殊不自今物理難前測陵谷
生人心波流驚涼德琴書素業移孝友先聲息白髮對懷
憂中夜長閔默閔默復將離行行度陌阡岡花自蘢靡
溪流祇迴旋天舒望益促形遠情未遷胡能返昨日局意
其林泉

熊男公過訪

遙山清露條木末素月上佳人不違此適爾成元獎先彼
涼雲陰心知畏景往靜氣欣相移天機繼以長夙昔扶清
剛獨唱悶幽響周道信逶迤寰行生惚恍炯炯河鼓星迢
迢天漢廣津梁誠有待良會仍多爽云何衰景及邁此西
清朗百年如九秋一意諧雙賞我聞綏山桃醞彼靈胎養
餐之踰萬春握之在孤掌下士原大笑上士成獨享君其
遂方今縹渺慰雲想

寒雨歸自別峰菴寄同遊諸子

晨光留宿溫山靄動雲葉遙遙相送情悵悵念寒涉憐無

金母術爲返桃花靨彌天存鶴髮餘冬酬素業壯心已分
屬微緒望孤接清歡唯夕鐙高論寄靈笈四海目可營千
秋志何攝旋歸互不忘物役情難協溫伯道默存蘇門嘯
雙愜夢聚相頻仍心旌固洽浹曠懷杳涯際冥合無鈍捷
霜磬警昨清緘之以重疊

瓜圃夕涼

甲子

微月流西岑初螢明青眇夕雨一以息穢徑珠露泣宵爾
釋煩疴泠然得靜善吾生豈不夙物役固未淺往昔從棄
捐今懷何繾綣精靈寓天宇昭滌隨游衍所思來者遙孰
俟心期展脈脈霄漢閒悠悠寄孤撰

其二

清士抱夕心畸人含夜悲幽羈怨難已滌覽情自微兩端
趣有定一致交易虧今茲何恂悅搖情懾分歧緒風愜涼
襟宛轉勁素帷披衣視霄漢弦月流半規居然無外撏互
爾捐中疑還睇天宇高今茲素節非萬族同轂轉吾生甯
依違戢志受天損非云懷坐馳

冬日晚照書懷

山滌淨西清層雲仍南飛夕光相宛約霜氣乍依違深紫
明峰色餘綠滋垣衣仰瞻零葉墜時有寒禽歸緒心同羣
動斂息無餘機收照光自炯專榮道已非晴日容相借行

將陟翠微

西岡望南嶽

乙丑

山行逕云遙遙山隱絕
巘巘絕羣岫分曠覽得平善
雲陰逐參差鳥沒迷近遠
微睇望已盈延觀秀自衍
登陟儼昔遊契闊仍今展
今昔無合離流峙終繾綣
長轂軌不遷貞觀閱已萬
天宇信若茲予懷何歆羨

秋雨延旦曉起有作

夕星炫西宇山影分空界
清氣儼流沐薄吹振幽籟
息疴方及晨窺牖驚已曖
物故天所憑軸轉無相逮
秋萸或暗滋歸鳥已前邁
孤碧尙流連逝羽無芥蒂
翩翩海岸心倦

倦寒畦態榮謝在斯須動植有昭昧所以天閱情臨之發
深慨

雨夕夢覺就枕戲效昌黎體近夢

沈陰夕已長噩夢魂相撓霜鬢失其眞童心來愈巧身輕
月離雲心閑日出卯鬪艸康樂鬚撒米麻姑爪狂歌演末
泥舞袖試郭鮑雲冠蓮葉捲綵杖柳枝拗尋花鼻已醒遡
風咽屢飽撓菱忘水濺拾豆就炷燭倏忽攬孤衾涼颼襲
雙骹故情雖不永清歡幸已稍籠雞旣爭聒被蝨復羣齧
夢醒夫何爲無妨恣狂狡

吟已猶不得曙再次前韻廣之

生氣紛去來屈伸無能撓腐儒分夢醒離析恣智巧畫雞
厭元旦冶銅鑄剛卯辟火養鷓鴣驅瘧挂蟹爪庚申囚彭
倨已丑訃陳鮑趁火螢尻張垂涎瓠項劫染指易爲暝老
拳競相飽療妬倉庚烹呪鬼鵠留爛唾星釀流光占吉灼
羊骹漸老嘗已熟觀物覺已稍石女孕自生鐵牛蟲漫齧
因之參寥遊不畏蒼天狡

翠濤喜雨見懷病枕賦答

丁卯

靈雨自南來飛集東臬野伊人遂欣暢良懷寄遙寫羣岫
翳回風垂虹散清灑朱光縈藥煙念此拘拘者

冬日雜興

旦氣息微霜流雲起相聚暄風動林葉疎雨鳴高樹夕宇
還昭鮮物變何匆遽寥寥下土人邈彼高冥路終始閱遷
流孰能測其故今古歸有涯云何永依據

零露潤枯桑運回辮故枝栖禽深婉孌欲與終因依竟夕
不相保何況延晨吹晶宇垂玉繩瑤光空陸離羣厯千萬
里含心當語誰顧影追疇昔韶風漾芳時下暎清江淥上
承靈雨飛時哉不再覲羣情自紛疑詎知幽悄懷時爲夢
中期佳序還在目榮光互葳蕤

始夏

戊辰

午睡過微雨西清引涼吹雲光逗新葉浮綠起新媚文禽

時一飛水影搖丹翠物故有今昔化理無榮悴遙知薪指
窮未始天容替閱變遞紛擾損悲任流逝嗣者無適期遐
哉惘高寄

詠歸燕

涼葉飛不怠凋荷尙孤擎海天杳何許層遞秋雲生棲鳥
鳴高樹焉知歸燕情

庶仙片紙見訊云年過七十未爲非幸無容局促縈
心旣佩良規因之自廣己巳

素雲方西飛歸鳥仍南征遷流無止勢輓動況有情天宇
敞寥廓虛牖延孤清竹素涵前古靜對終吾生故交惠尺

書整襟拜投瓊獎以息吹萬因之返素精萬形良有涯勿
爲化所驚

歌行

春月歌

晴風初暖溪光紫楊柳風輕吹不起迢迢璧月背雲飛搖
蕩春雲映春水春水涵空倒碧天金波微定影初圓花趺
紅斂垂珠露葉底苔平綴玉錢可憐月落留難住可惜春
光來復去昨日梨花已起風何時柳絮還粘樹柳絮梨花
早歲春芳郊草輭素光勻綠窗竹葉飄鸞尾白袷落英照
錦鱗當時不解留春在月落月生春易改胡蝶香迷夢不